

კოდიფიცირებული ცვლილებები და დამატებები

ბსუ-ს წარმომადგენლობითი საბჭოს გადაწყვეტილებებით:

*2016 წლის 13 ივლისის N01, 2016 წლის 27 ოქტომბრის N04;
2016 წლის 16 დეკემბრის N02, 2017 წლის 15 თებერვლის N03;
2017 წლის 20 დეკემბრის N02; 2018 წლის 13 ივლისის N03;
2019 წლის 22 ნოემბრის N07-01/46 ; 2020 წლის 13 მარტის N07-01/68 ;
2020 წლის 24 ივლისის N07-01\83; 2020 წლის 07 ოქტომბრის N07-01/95;
2022 წლის 28 მარტის N07-01/16; 2022 წლის 04 აპრილის N07-01/18; 2023 წლის 31 იანვრის N07-01/05*

საჯარო სამართლის იურიდიული პირი - ბათუმის შოთა რუსთაველის სახელმწიფო უნივერსიტეტის სტუდენტთა სწავლის საფასურის გადახდის წესი

მუხლი 1. ზოგადი დებულება

წინამდებარე წესი განსაზღვრავს საჯარო სამართლის იურიდიული პირის - ბათუმის შოთა რუსთაველის სახელმწიფო უნივერსიტეტის (შემდეგში „ბსუ“) სტუდენტთა სწავლის საფასურის გადახდის საფუძველს, ფორმას, პერიოდულობას, გადაუხდელობის სამართლებრივ შედეგებს, ასევე სწავლის საფასურის გადახდისაგან განთავისუფლებისა და სასწავლო/სამეცნიერო მიზნით ბსუ-ს სტუდენტის უცხო ქვეყანაში კონფერენციაზე/სემინარზე/კონგრესზე დასწრების (მონაწილეობის) ნაწილობრივი დაფინანსების საფუძველს.

მუხლი 2. სწავლის საფასურის გადახდის (ადმინისტრაციული რეგისტრაციის) საფუძველი და ფორმა

1. ბსუ-ს სტუდენტის სწავლის საფასურის ოდენობა (ტარიფი) ბსუ-ს საგანმანათლებლო პროგრამების მიხედვით განისაზღვრება ბსუ-ს წარმომადგენლობითი საბჭოს გადაწყვეტილებით.
2. სწავლის საფასურის გადახდის საფუძველია ბსუ-ს სტუდენტის აქტიური სტატუსი.
3. სასწავლო გრანტის/სამაგისტრო გრანტის მფლობელი სტუდენტის სწავლის საფასურს ანაზღაურებს საქართველოს განათლებისა და მეცნიერების სამინისტრო, კანონმდებლობით დადგენილი წესით, სტუდენტის მიერ მოპოვებული გრანტის პროცენტული ოდენობის შესაბამისად.
4. ბსუ-ს სტუდენტი, რომელმაც ვერ მოიპოვა სასწავლო გრანტი/სამაგისტრო გრანტი, ვალდებულია სწავლის საფასური გადაიხადოს (გაიაროს ადმინისტრაციული რეგისტრაცია) შემდეგი რეკვიზიტების გათვალისწინებით: მიმღების ბანკი - სახელმწიფო ხაზინა; მიღების

დასახელება - ხაზინის ერთიანი ანგარიში; ბანკის კოდი - TRESGE 22; მიღების ანგარიში/სახაზინო კოდი - 7 0901 7289.

მუხლი 3. სწავლის საფასურის გადახდის პერიოდულობა (ცვლილება - 2016 წლის 16 დეკემბრის N02 გადაწყვეტილებით)

1. ბსუ-ს სტუდენტი, გარდა იმ სტუდენტისა, რომელმაც მოიპოვა 100%-იანი სასწავლო გრანტი/სამაგისტრო გრანტი ან პროგრამული დაფინანსება, ვალდებულია ყოველ სასწავლო სემესტრში გაიაროს ადმინისტრაციული რეგისტრაცია - გადაიხადოს სწავლის წლიური საფასურის ნახევარი.

2. სასწავლო სემესტრის დაწყებისა და დასრულების პერიოდი განისაზღვრება ბსუ-ს აკადემიური საბჭოს დადგენილებით ან ბსუ-ს რექტორის ბრძანების საფუძველზე, რომელიც ქვეყნდება ბსუ-ს ვებ გვერდზე (www.bsu.edu.ge).

3. ყოველი სასწავლო წლის (სემესტრის) დასაწყისში ბსუ-ს რექტორის ბრძანებით დგინდება ბსუ-ს სტუდენტთა ადმინისტრაციული რეგისტრაციის გავლის - სწავლის სემესტრული საფასურის გადახდის პერიოდი. ბსუ-ს უცხოენოვანი საგანმანათლებლო პროგრამების სტუდენტთა სწავლის საფასურის გადახდის წესი განისაზღვრება ცალკე, წარმომადგენლობითი საბჭოს გადაწყვეტილებით. (ცვლილება - 2019 წლის 22 ნოემბრის N07-01/46 გადაწყვეტილებით)

4. ბსუ-ს რექტორის ბრძანებით განისაზღვრება სემესტრული სწავლის საფასურის ნაწილ-ნაწილ (ეტაპებად) გადახდის შესაძლებლობა და ყოველ ეტაპზე გადასახდელი ოდენობა, რაც არ გამორიცხავს აქტიური სტუდენტის სტატუსის მქონე პირისათვის სემესტრის სწავლის საფასურის სრულად დარიცხვას. სტუდენტს არ დაერიცხება მიმდინარე სემესტრის სწავლის საფასური: (ცვლილება - 2022 წლის 28 მარტის N07-01/16 გადაწყვეტილებით)

ა) თუკი შეუჩერდება ბსუ-ს სტუდენტის სტატუსი შემოდგომის სემესტრში 1 ნოემბრამდე, ხოლო გაზაფხულის სემესტრში - 1 აპრილამდე;

ბ) თუკი აკადემიური რეგისტრაციის გაუვლელობის გამო შეუჩერდება ბსუ-ს სტუდენტის სტატუსი: შემოდგომის სემესტრში 1 ნოემბრის შემდეგ, ხოლო გაზაფხულის სემესტრში - 1 აპრილის შემდეგ;

გ) თუკი მიმდინარე სემესტრში კანონმდებლობით ან/და ბსუ-ს სამართლებრივი აქტით დადგენილ ვადაში წარმოდგენილი განცხადების საფუძველზე შეუჩერდება ბსუ-ს სტუდენტის სტატუსი: შემოდგომის სემესტრში 1 ნოემბრის შემდეგ, ხოლო გაზაფხულის სემესტრში - 1 აპრილის შემდეგ;

დ) კანონმდებლობით ან/და წარმომადგენლობითი საბჭოს გადაწყვეტილებით განსაზღვრულ სხვა შემთხვევაში. (ცვლილება - 2022 წლის 28 მარტის N07-01/16 გადაწყვეტილებით)

5. ბსუ-ს სადოქტორო საგანმანათლებლო პროგრამის სტუდენტმა ადმინისტრაციული რეგისტრაცია უნდა გაიაროს ბსუ-ს რექტორის ბრძანებით დადგენილ ვადებში, ამ წესის, ბსუ-ს

დოქტორანტურაში სწავლის საფასურის განსაზღვრის შესახებ ბსუ-ს წარმომადგენლობითი საბჭოს შესაბამისი გადაწყვეტილებისა და დოქტორანტთან გაფორმებული ხელშეკრულების შესაბამისად.
(ცვლილება - 2020 წლის 24 ივლისის N07-01/83 გადაწყვეტილებით)

6. საქართველოს განათლების, მეცნიერების, კულტურისა და სპორტის სამინისტროს ბრძანებით **ერთიანი ეროვნული გამოცდების გავლის გარეშე** ბსუ-ში ჩარიცხვის უფლებამოსიებული პირის მიერ ბსუ-ს საგანმანათლებლო პროგრამაზე (გარდა უცხოენოვანი პროგრამისა) ჩარიცხვის შესახებ ბრძანების გამოცემამდე, ხელშეკრულების გაფორმებისთანავე გადახდილი უნდა იქნეს მისი სწავლის საფასური (არანაკლებ 1 სემესტრის). მომდევნო სემესტრებში ამ სტუდენტის მიერ ადმინისტრაციული რეგისტრაციის გავლა (სწავლის საფასურის გადახდა) უნდა განხორციელდეს წინამდებარე წესისა და ბსუ-ს რექტორის შესაბამისი ბრძანებით დადგენილ ადმინისტრაციული რეგისტრაციის ვადებში. *(დამატება - 2020 წლის 07 ოქტომბრის N07-01/95 გადაწყვეტილებით)*

მუხლი 4. სტუდენტის სტატუსის შეჩერება/შეწყვეტა და ფინანსური ვალდებულება

1. კანონმდებლობით ან/და ბსუ-ს სხვა სამართლებრივი აქტებით დადგენილ ვადაში წარმოდგენილი განცხადების ან სხვა საფუძველით შემოდგომის სემესტრში პირველ ნოემბრამდე, ხოლო გაზაფხულის სემესტრში პირველ აპრილამდე ბსუ-ს სტუდენტის სტატუსის შეწყვეტის/შეჩერების შემთხვევაში, სტუდენტს არ დაერიცხება მიმდინარე სემესტრის სწავლის საფასური, ხოლო თუკი გადახდილი აქვს წინასწარ, წარმოდგენილი განცხადების საფუძველზე ექვემდებარება დაბრუნებას, ბსუ-ს ადმინისტრაციის ხელმძღვანელის ბრძანებით. *(ცვლილება - 2017 წლის 20 დეკემბრის N02 გადაწყვეტილებით, რომელიც გავრცელდა 2017-2018 სასწავლო წლიდან წარმოშობილ ურთიერთობებზე; ცვლილება - 2022 წლის 28 მარტის N07-01/16 გადაწყვეტილებით)*

2. შემოდგომის სემესტრში 1 ნოემბრის შემდეგ, ხოლო გაზაფხულის სემესტრში 1 აპრილის შემდეგ ბსუ-ს სტუდენტის სტატუსის შეწყვეტის ან შეჩერების შემთხვევაში:

ა) სტუდენტის განცხადების საფუძველზე გამოცემული ბსუ-ს ადმინისტრაციის ხელმძღვანელის ბრძანებით დაბრუნებას ექვემდებარება ზედმეტად გადახდილი მომდევნო სემესტრის (კრედიტების) საფასური:

ბ) სტუდენტის განცხადების საფუძველზე გამოცემული ბსუ-ს ადმინისტრაციის ხელმძღვანელის ბრძანებით დაბრუნებას ექვემდებარება ზედმეტად გადახდილი მიმდინარე სემესტრის (კრედიტების) საფასური, თუკი სტუდენტს შეუჩერდება/შეუწყდება ბსუ-ს სტუდენტის სტატუსი: პირადი განცხადებით (კანონმდებლობით/ბსუ-ს აქტებით დადგენილ ვადაში წარმოდგენის შემთხვევაში); მიმდინარე სემესტრში აკადემიური რეგისტრაციის გაუვლელობის გამო ან/და ბსუ-ს აკადემიური საბჭოს დადგენილებით/რექტორის ბრძანების საფუძველზე მიმდინარე სემესტრში სტუდენტის აკადემიური რეგისტრაციის შედეგების გაუქმების გამო.

გ) სახელმწიფო სასწავლო/სამაგისტრო გრანტის ან დაფინანსების მქონე სტუდენტს ჩათვლება იგი სასწავლო პროცესში დაბრუნების შემდეგ პერიოდის სწავლის საფასურში.

(ცვლილება - 2017 წლის 20 დეკემბრის N02 გადაწყვეტილებით, რომელიც გავრცელდა 2017-2018 სასწავლო წლიდან წარმოშობილ ურთიერთობებზე; (ცვლილება - 2022 წლის 28 მარტის N07-01/16 გადაწყვეტილებით)

3. ბსუ-ს სტუდენტის სტატუსის შეწყვეტისას/შეჩერებისას, გასულ პერიოდში გადახდილი სწავლის საფასური სტუდენტს უკან არ დაუბრუნდება, გარდა იმ შემთხვევისა, როცა მას წინასწარ ჰქონდა გადახდილი მომდევნო სასწავლო წლის/სემესტრის სწავლის საფასური. სწავლის საფასურის ეტაპობრივად გადახდის შემთხვევაშიც კი, დაბრუნებას ექვემდებარე მხოლოდ წინასწარ გადახდილი მომდევნო სემესტრის სწავლის საფასური.

4. ბსუ-ს სტუდენტის სტატუსშეჩერებული პირის მიერ ბსუ-ს სტუდენტის სტატუსის შეწყვეტის შემთხვევაში, იგი ვალდებულია გადაიხადოს მასზე დარიცხული ფინანსური დავალიანება იმ შემთხვევაშიც კი, თუკი მას სტატუსის შეჩერების გამო არ მიეცა შესაბამის სემესტრში გამოცდების ჩაბარების შესაძლებლობა ან/და მისგან გამოწვეული მიზეზით არ შეასრულა ხელშეკრულებით ნაკისრი ვალდებულება სწავლასთან დაკავშირებით.

5. საგანმანათლებლო პროგრამით გათვალისწინებულ ვადებში სტუდენტს უნარჩუნდება ხელშეკრულებით დადგენილი სწავლის საფასურის ოდენობა, ხოლო აღდგენის წესით ჩარიცხვის ან/და სტუდენტის სტატუსის შეჩერების საფუძველების აღმოფხვრის შემთხვევაში, იგი ვალდებულია გადაიხადოს შესაბამის საგანმანათლებლო პროგრამაზე მიმდინარე სასწავლო წლისათვის დადგენილი სწავლის საფასური.

6. ადმინისტრაციული რეგისტრაციის ვადის გასვლის შემდეგ პერიოდში ბსუ-ს სტუდენტის სტატუსის შეჩერების შესახებ სამართლებრივი აქტის ძალადაკარგულად ცნობის (სასწავლო პროცესში აღდგენის) შემთხვევაში, სტუდენტს ამავე აქტით განესაზღვრება ადმინისტრაციული რეგისტრაციის ვადა, რომელიც არ უნდა აღემატებოდეს 7 (შვიდი) კალენდარულ დღეს.

7. აკადემიური რეგისტრაციის გაუვლელობის ან ადმინისტრაციული რეგისტრაციის გაუვლელობის (სწავლის საფასურის დავალიანების) გამო სტატუსშეჩერებული პირის ბსუ-ს სასწავლო პროცესში დაბრუნება (სტუდენტის სტატუსის შეჩერების აქტის ძალადაკარგულად ცნობა) შესაძლებელია შიდა მობილობის პერიოდში, რექტორის ბრძანებით დამტკიცებული მობილობის წესით გათვალისწინებულ ვადაში, სწავლის საფასურის დაფარვის შემთხვევაში. *(ცვლილება - 2018 წლის 13 ივლისის N03 გადაწყვეტილებითა და 2023 წლის 31 იანვრის N07-01/05 გადაწყვეტილებით)*

7¹. სწავლის საფასურის დავალიანების მქონე ბსუ-ს სტუდენტის სტატუსშეჩერებული პირის შიდა მობილობის გარეშე სასწავლო პროცესში დაბრუნება (სტუდენტის სტატუსის გააქტიურება) დასაშვებია შემდეგ შემთხვევებში: *(დამატება 2023 წლის 31 იანვრის N07-01/05 გადაწყვეტილებით)*

ა) პირადი განცხადების საფუძველზე სტატუსშეჩერებული პირის - თუკი შესაბამისი სემესტრის დაწყებამდე (გამონაკლის შემთხვევებში - არაუგვიანეს სემესტრის დაწყებიდან 14 დღეში) სრულად დაფარავს სწავლის საფასურის დავალიანებას;

ბ) დამამთავრებელი სემესტრის სტუდენტის - თუკი სტატუსის შეჩერებამდე სრულად აქვს შესრულებული შესაბამისი პროგრამის მოთხოვნები, სრულად დაფარავს სწავლის

საფასურის დავალიანებას და წარმოადგენს განცხადებას კვალიფიკაციის მინიჭების თაობაზე.

72. სწავლის საფასურის დავალიანების მქონე დამატებითი სემესტრის სტუდენტს უწყდება ბსუ-ს სტუდენტის სტატუსი. *(დამატება 2023 წლის 31 იანვრის N07-01/05 გადაწყვეტილებით)*

8. იმ მაგისტრანტების/დოქტორანტების სასწავლო პროცესში დაბრუნება (აღდგენა), რომელთაც ფინანსური დავალიანების გამო შეუჩერდათ ბსუ-ს სტუდენტის სტატუსი და შესასრულებლად დარჩენილი აქვთ მხოლოდ „სამაგისტრო ნაშრომის შესრულება“/სამეცნიერო-კვლევითი კომპონენტი, დასაშვებია ამ წესით განსაზღვრული შეზღუდვების გარეშე.

მუხლი 5. გაცვლითი სასწავლო პროგრამის (პროექტის) მონაწილე ბსუ-ს სტუდენტის ფინანსური ვალდებულება

1. ბსუ-ს გაცვლითი საგანმანათლებლო პროგრამის (პროექტის) მონაწილე ბსუ-ს სტუდენტის (მათ შორის დოქტორანტის) უცხო ქვეყნის უმაღლეს საგანმანათლებლო დაწესებულებაში მობილობის (შემდეგში „საერთაშორისო მობილობა“) დაწყებამდე შესაბამისი ფაკულტეტის დეკანის სამსახურებრივი ბარათის საფუძველზე გამოიცემა ბსუ-ს რექტორის ბრძანება სტუდენტის უცხო ქვეყანაში/უნივერსიტეტში გარკვეული ვადით სასწავლებლად გამგზავრების თაობაზე. აღნიშნული ბრძანების საფუძველზე ბსუ-ს სტუდენტს საერთაშორისო მობილობის პერიოდში არ შეუჩერდება ბსუ-ს სტუდენტის სტატუსი და არ დაერიცხება მიმდინარე სასწავლო სემესტრის (სასწავლო წლის) სწავლის საფასური, თუმცა სტუდენტი უფლებამოსილია გადაიხადოს იგი, ბსუ-ს და მიმღები უნივერსიტეტის უფლებამოსილი პირების მიერ ხელმოწერილ სასწავლო ხელშეკრულებაში (ე.წ. „learning agreement“) მითითებული კრედიტების ოდენობის შესაბამისად. აღნიშნული სასწავლო ხელშეკრულების ასლი შესაბამისი ფაკულტეტის ხარისხის უზრუნველყოფის სამსახურის მიერ (ფაკულტეტის დეკანის ვიზირებით), ელექტრონული საქმისწარმოების საშუალებით წარედგინება ბსუ-ს რექტორს და ადმინისტრაციის ხელმძღვანელს (შემდეგში მათი რეზოლუციით - სტრატეგიული განვითარებისა და საგარეო ურთიერთობათა დეპარტამენტს და საფინანსო-ეკონომიკური დეპარტამენტს). *(ცვლილება - 2020 წლის 24 ივლისის N07-01/83 გადაწყვეტილებით)*

2. საერთაშორისო მობილობიდან დაბრუნების შემდეგ ბსუ-ს სტუდენტმა და ბსუ-ს შესაბამისმა სტრუქტურულმა ერთეულმა (მათ შორის შესაბამისი ფაკულტეტის დასაქმებულმა) უნდა შეასრულონ ბსუ-ს აკადემიური საბჭოს დადგენილებებით დამტკიცებული „ბსუ-ს სასწავლო პროცესის მარეგულირებელი წესით“ (2015 წლის N111 დადგენილება), „საერთაშორისო გაცვლითი პროგრამების ადმინისტრირების წესით“ (2019 წლის N06-01/89 დადგენილება) და „უცხოეთში ათვისებული კრედიტების აღიარების წესით“ (2017 წლის N55 დადგენილება) გათვალისწინებული პროცედურა, რათა გამოიცეს სტუდენტის საერთაშორისო მობილობიდან ბსუ-ს სასწავლო პროცესში დაბრუნების შესახებ ბსუ-ს რექტორის ბრძანება (დანართით - უცხოეთში ათვისებული კრედიტების შესახებ). აღნიშნული ბრძანების საფუძველზე ბსუ-ს საფინანსო-ეკონომიკური დეპარტამენტის აღრიცხვა-ანგარიშგების სამსახური უზრუნველყოფს მიმდინარე სემესტრში, ადმინისტრაციული რეგისტრაციისათვის განსაზღვრულ ვადებში, როგორც მიმდინარე სემესტრის,

ასევე საერთაშორისო მობილობის სემესტრის/წლის სწავლის საფასურის სტუდენტისათვის დარიცხვას (კორექტირებას), ბსუ-ს შესაბამისი პროგრამის საფასურის და უცხოეთში ათვისებული და აღიარებული კრედიტების ოდენობის გათვალისწინებით (თუკი უკვე გამოიცა უცხოეთში ათვისებული კრედიტების აღიარების შესახებ ბსუ-ს რექტორის ბრძანება). იმ შემთხვევაში, თუკი სტუდენტის ბსუ-ს სასწავლო პროცესში დაბრუნების სემესტრში არ არის გამოცემული ბსუ-ს რექტორის ბრძანება გაცვლითი პროგრამის ფარგლებში ათვისებული კრედიტების აღიარების შესახებ ან/და შესაბამისი ფაკულტეტიდან/სტუდენტთა ელექტრონული სერვისების განყოფილებიდან არ იქნება წარმოდგენილი ინფორმაცია სტუდენტის მიერ საერთაშორისო მობილობის პერიოდში ათვისებული სასწავლო კურსების შესახებ, სტუდენტს დაერიცხება მხოლოდ ბსუ-ში დაბრუნების სემესტრის (ან/და დარეგისტრირებული „სასწავლო კურსების“) სწავლის საფასური. *(ცვლილება - 2020 წლის 24 ივლისის N07-01/83 გადაწყვეტილებით)*

3. სტუდენტი, რომელიც საერთაშორისო მობილობის პერიოდში გადაიხდის ბსუ-ში შესაბამისი სემესტრის სწავლის საფასურს, დამატებით არ იხდის ბსუ-ს სასწავლო გეგმით ამ სემესტრისათვის გათვალისწინებული სასწავლო კურსების (ე.წ. „განსხვავებული საგნები“) სწავლის საფასურს, თუკი მათთან თავსებადი არ აღმოჩნდება სტუდენტის მიერ უცხოეთში ათვისებული სასწავლო კურსები და იგი დაარეგისტრირებს მათ ბსუ-ს სასწავლო პროცესში დაბრუნების შემდეგ. *(ცვლილება - 2020 წლის 24 ივლისის N07-01/83 გადაწყვეტილებით)*

4. ბსუ-ს გაცვლითი პროგრამის (საერთაშორისო მობილობის) ფარგლებში უცხოეთში ათვისებული და ბსუ-ს საგანმანათლებლო პროგრამასთან თავსებადი კრედიტების (სასწავლო კომპონენტის) აღიარების შესახებ ბსუ-ს რექტორის ბრძანების გათვალისწინებით:

ა) სტუდენტი თავისუფლდება საერთაშორისო მობილობის პერიოდში ათვისებული და შემდეგში ბსუ-ს მიერ აღიარებული კრედიტების (ბსუ-ს საგანმანათლებლო პროგრამასთან თავსებადი კრედიტების ფარგლებში) საფასურის გადახდისაგან (თუკი არ გადაუხდია);

ბ) სტუდენტს დაუბრუნდება ბსუ-ში მის მიერ გადახდილი, საერთაშორისო მობილობის პერიოდში ათვისებული და შემდეგში ბსუ-ს მიერ აღიარებული კრედიტების საფასური (ბსუ-ს საგანმანათლებლო პროგრამასთან თავსებადი კრედიტების ფარგლებში), სტუდენტის განცხადებისა და შესაბამისი ფაკულტეტის დეკანის სამსახურებრივი ბარათის საფუძველზე გამოცემული ბსუ-ს ადმინისტრაციის ხელმძღვანელის ბრძანებით;

გ) სტუდენტზე, რომელსაც მოპოვებული აქვს სახელმწიფო სასწავლო/სამაგისტრო გრანტი ან დაფინანსება, გაიცემა (კანონმდებლობით გათვალისწინებული გადასახადების ჩათვლით) საერთაშორისო მობილობის პერიოდში ათვისებული და შემდეგში ბსუ-ს მიერ აღიარებული კრედიტების საფასური (ბსუ-ს საგანმანათლებლო პროგრამასთან თავსებადი კრედიტების ფარგლებში), სტუდენტის განცხადებისა და შესაბამისი ფაკულტეტის დეკანის სამსახურებრივი ბარათის საფუძველზე გამოცემული ბსუ-ს ადმინისტრაციის ხელმძღვანელის ბრძანებით.

(ცვლილება - 2017 წლის 20 დეკემბრის N02 გადაწყვეტილებით, რომელიც გავრცელდა 2017-2018 სასწავლო წლიდან წარმოშობილ ურთიერთობებზე; ცვლილება - 28.03.2022 წლის N07-01/16 გადაწყვეტილებით)

5. ბსუ-ს საერთაშორისო მობილობის მონაწილე ბსუ-ს სტუდენტის სწავლის საფასურთან დაკავშირებით სამართლებრივი აქტი გამოიცემა ბსუ-ს რექტორის მიერ (ბსუ-ს ადმინისტრაციის ხელმძღვანელის ვიზირებით), ასეთის საჭიროების შემთხვევაში. გარდა ამისა, ბსუ-ს რექტორის ბრძანების საფუძველზე ბსუ-ს საფინანსო-ეკონომიკური დეპარტამენტის აღრიცხვა-ანგარიშგების სამსახური ახორციელებს სტუდენტისათვის საერთაშორისო მობილობის პერიოდის სწავლის საფასურის დარიცხვის (თუკი იგი განხორციელდა წინამდებარე მუხლის პირველი და მე-2 პუნქტით გათვალისწინებული პროცედურის გარეშე) კორექტირებას/მოხსნას, შემდეგ შემთხვევებში: *(ცვლილება - 2020 წლის 24 ივლისის N07-01/83 გადაწყვეტილებით)*

ა) საერთაშორისო მობილობაში მონაწილე სტუდენტის განცხადების საფუძველზე, რომელმაც სრულად ან ნაწილობრივ შეასრულა სასწავლო ხელშეკრულებაში (ე.წ. „learning agreement“) აღნიშნული აქტივობა, მაგრამ იგი არ აღმოჩნდა თავსებადი ბსუ-ს სასწავლო გეგმით ამ სემესტრისათვის გათვალისწინებულ სასწავლო კურსებთან (ვერ მოხდა მათი აღიარება) და სტუდენტი ბსუ-ში დაბრუნების შემდეგ ვალდებულია შეასრულოს საერთაშორისო მობილობის პერიოდის (სემესტრის/სასწავლო წლის) ბსუ-ს სასწავლო გეგმის მოთხოვნები;

ბ) საერთაშორისო მობილობაში მონაწილე სტუდენტის განცხადების საფუძველზე, რომელსაც სრულად დაერიცხა ამ პერიოდის სწავლის საფასური ისე, რომ შესაბამისი ფაკულტეტიდან სასწავლო ხელშეკრულება (ე.წ. „learning agreement“) ან/და შესაბამისი ფაკულტეტიდან/ბსუ-ს სტუდენტთა ელექტრონული სერვისების განყოფილებიდან სტუდენტის მიერ საერთაშორისო მობილობის პერიოდში დარეგისტრირებული ან/და ათვისებული სასწავლო კურსების შესახებ ინფორმაცია არ ყოფილა წარმოდგენილი ან/და ბსუ-ს რექტორის ბრძანებით არ უღიარდა საერთაშორისო მობილობაში ათვისებული კრედიტები.

მუხლი 6. სწავლის საფასური სასწავლო კურსის განმეორებით ან დამატებით გავლისათვის (- 2018 წლის 13 ივლისის N03 გადაწყვეტილებით, რომელიც ამოქმედდება 2018-2019 სასწავლო წლიდან)

„1. სტუდენტი, როგორც წესი, მიმდინარე სემესტრში არეგისტრირებს შესაბამისი პროგრამით გათვალისწინებულ კრედიტებს (აკადემიური რეგისტრაცია), რომელიც ხორციელდება ბსუ-ს სასწავლო პროცესის მარეგულირებელი წესისა და აკადემიურ/ადმინისტრაციულ რეგისტრაციასთან დაკავშირებით გამოცემული ბსუ-ს რექტორის ბრძანებით განსაზღვრულ ვადებში.

2. სტუდენტის ფინანსური ვალდებულება მიმდინარე სემესტრში განისაზღვრება სწავლის სემესტრული გადასახადით (წლიური საფასურის ნახევარი), გარდა იმ შემთხვევისა, როცა სტუდენტს დარეგისტრირებული აქვს პროგრამით გათვალისწინებულზე ნაკლები ან მეტი ოდენობით კრედიტები (ამ შემთხვევაში სტუდენტი სწავლის საფასურს იხდის დარეგისტრირებული კრედიტების შესაბამისად). მიმდინარე სემესტრში პროგრამით გათვალისწინებულისაგან განსახვავებული ოდენობით კრედიტების დარეგისტრირება დასაშვებია შემდეგ შემთხვევებში:

- ა) მიმდინარე სემესტრის პროგრამით გათვალისწინებულ სასწავლო კურსის წინაპირობა არის რომელიმე სხვა სასწავლო კურსი, რომელშიც სტუდენტს აქვს უარყოფითი შეფასება („F-ჩაიჭრა“), რის გამოც ესაჭიროება სასწავლო კურსის განმეორებით გავლა (ე.წ. „კურსის გავლა“);
- ბ) მობილობის შედეგად (შიდა/გარე/გაცვლითი პროგრამა) მიმდინარე სასწავლო კურსების გავლის ვალდებულება სტუდენტს არ აქვს (არეგისტრირებს განსხვავებულ სასწავლო კურსებს);
- გ) ერთი სასწავლო წლის განმავლობაში ასათვისებელი კრედიტების ზღვრული ოდენობის (75 კრედიტის) ფარგლებში სტუდენტს სურს შეფასების გაუმჯობესების მიზნით განმეორებით დაარეგისტრიროს სასწავლო კურსი ან/და დამატებით - სხვა სასწავლო კურსი.
3. სტუდენტთა აკადემიური რეგისტრაციების შესახებ დამუშავებული ინფორმაცია, აკადემიური რეგისტრაციის (ცვლილებების რეგისტრაციის) დასრულებიდან 5 სამუშაო დღეში, მაგრამ არაუგვიანეს სემესტრის დაწყებიდან 20 კალენდარული დღისა, ფაკულტეტების დეკანების მიერ წარედგინება ბსუ-ს რექტორს/ადმინისტრაციის ხელმძღვანელს, სტუდენტთა ფინანსური დავალიანების განსაზღვრისა და სტატუსის შეჩერების პროცედურების წარმართვის მიზნით.
4. წინამდებარე მუხლით გათვალისწინებული განმეორებით/დამატებით გასავლელი სასწავლო კურსების სწავლის საფასური განისაზღვრება შესაბამის საგანმანათლებლო პროგრამაზე სწავლის წლიური საფასურით (მაგალითად: სწავლის წლიური საფასურია 2250 ლარი, ერთი კრედიტის საფასური იქნება (2250: 60 კრედიტზე=) 37 ლარი 50 თეთრი).

მუხლი 7. შეღავათები სწავლის საფასურში

(ცვლილება - 2022 წლის 28 მარტის N07-01/16 გადაწყვეტილებით)

1. ბსუ-ში სწავლის საფასურში შეღავათი ენიჭება სრული ოდენობით (100 %-ით, მხოლოდ პროგრამით გათვალისწინებული კრედიტების მოცულობის ფარგლებში):

ა) ბსუ-ს საბაკალავრო/მასწავლებლის მომზადების ინტეგრირებული საბაკალავრო-სამაგისტრო/მედიცინის მიმართულებით ერთსაფეხურიანი უმაღლესი საგანმანათლებლო პროგრამის იმ სტუდენტს, რომელიც არის მშობლების მზრუნველობას მოკლებული (დედ-მამით ობოლი ან უგზო-უკვლოდ დაკარგულად/გარდაცვლილად აღიარებული მშობლების შვილი);

ბ) შეზღუდული შესაძლებლობის მქონე საბაკალავრო/მასწავლებლის მომზადების ინტეგრირებული საბაკალავრო-სამაგისტრო/მედიცინის მიმართულებით ერთსაფეხურიანი/სამაგისტრო/სადოქტორო საგანმანათლებლო პროგრამის სტუდენტი.

2. სტუდენტისათვის ამ მუხლის პირველი პუნქტით გათვალისწინებული შეღავათის მინიჭების თაობაზე ადმინისტრაციის ხელმძღვანელის ბრძანება გამოიცემა სტუდენტის განცხადებისა და მის მიერ შემდეგი დოკუმენტების წარმოდგენის შემთხვევაში:

ა) მშობლების მზრუნველობას მოკლებული პირის შემთხვევაში (დედ-მამით ობოლი ან უგზო-უკვლოდ დაკარგულად/გარდაცვლილად აღიარებული მშობლების შვილი ან პირი, რომელსაც გარდაცვლილი ჰყავს დედა და დაბადების აქტის ჩანაწერში მამის შესახებ მონაცემების შეტანის

საფუძველი იყო დედის განცხადება) - სტუდენტის დაბადების მოწმობის, მშობლების გარდაცვალების მოწმობების ან უგზო-უკვლოდ დაკარგულად/გარდაცვლილად აღიარების დამადასტურებელი დოკუმენტები;

ბ) შეზღუდული შესაძლებლობის მქონე პირის შემთხვევაში - შეზღუდული შესაძლებლობის დამადასტურებელი სამედიცინო ცნობა.

3. ამ მუხლის პირველი პუნქტით გათვალისწინებული შეღავათი ადმინისტრაციის ხელმძღვანელის ბრძანებით სტუდენტს ენიჭება:

ა) მიმდინარე სემესტრიდან - თუკი შეღავათის მინიჭების საფუძველი წარმოიშვა 1 ნოემბრამდე და შემოდგომის სემესტრში წარმოდგენილია სტუდენტის განცხადება და თანდართული დოკუმენტაცია ან შეღავათის მინიჭების საფუძველი წარმოიშვა 1 აპრილამდე და გაზაფხულის სემესტრში წარმოდგენილია სტუდენტის განცხადება და თანდართული დოკუმენტაცია;

ბ) მომდევნო სემესტრიდან - თუკი შეღავათის მინიჭების საფუძველი წარმოიშვა 1 ნოემბრიდან და შემოდგომის სემესტრში წარმოდგენილია სტუდენტის განცხადება და თანდართული დოკუმენტაცია ან თუკი შეღავათის მინიჭების საფუძველი წარმოიშვა 1 აპრილიდან და გაზაფხულის სემესტრში წარმოდგენილია სტუდენტის განცხადება და თანდართული დოკუმენტაცია.

4. სამხედრო მოსამსახურეებისა და მათი ოჯახების წევრების (მეუღლე, შვილი) განათლების ხელშეწყობის მიზნით, ბსუ-ს აკრედიტებული საგანმანათლებლო პროგრამების (საბაკალავრო/მასწავლებლის მომზადების ინტეგრირებული საბაკალავრო-სამაგისტრო/მედიცინის მიმართულებით ერთსაფეხურიანი უმაღლესი საგანმანათლებლო პროგრამების) სტუდენტებს ბსუ-ს ადმინისტრაციის ხელმძღვანელის ბრძანებით ენიჭებათ შეღავათი (თავისუფლდებიან) ბსუ-ში სწავლის სემესტრული საფასურის 30 %-ის ოდენობით, მათ მიერ წარმოდგენილი განცხადებისა და შესაბამისი დოკუმენტაციის საფუძველზე (დაბადების მოწმობა, ქორწინების სარეგისტრაციო მოწმობა, ცნობა დასაქმების ადგილიდან და სხვა). მომდევნო სემესტრებში სწავლის საფასურის გადახდაში შეღავათის მინიჭების თაობაზე ადმინისტრაციის ხელმძღვანელის ბრძანება გამოიცემა ყოველ სემესტრში, სტუდენტის მიერ წარმოდგენილი განახლებული ინფორმაციის (ცნობა დასაქმების ადგილიდან) საფუძველზე.

5. სწავლის საფასურის გადახდასთან დაკავშირებით შეღავათები, გარდა ამ მუხლის პირველი-მე-4 პუნქტებით განსაზღვრული შემთხვევებისა, ბსუ-ს სტუდენტებს შეიძლება მიენიჭოთ წარმომადგენლობითი საბჭოს გადაწყვეტილებით დამტკიცებული „ბსუ-ში სასწავლო სოციალური პროგრამის „სტუდენტთა შეღავათები სწავლის საფასურში“ განხორციელების წესის“, ბსუ-ს წარმომადგენლობითი საბჭოს სხვა გადაწყვეტილების ან/და ადმინისტრაციის ხელმძღვანელის ბრძანებით.

6. „ბსუ-ში სასწავლო სოციალური პროგრამის „სტუდენტთა შეღავათები სწავლის საფასურში“ განხორციელების წესის“ (შეღავათების კატეგორიები, მინიჭების პირობები, კონკურსის

გამოცხადების/ჩატარების რეგულაციას) შეიმუშავებს ადმინისტრაციის ხელმძღვანელი და დასამტკიცებლად წარუდგენს წარმომადგენლობითი საბჭოს.

7. გარდაცვალების გამო ბსუ-ს სტუდენტის სტატუსშეწყვეტილი პირის სახელზე არსებული ფინანსური დავალიანება (გარდაცვალების დროისათვის არსებული) მოიხსნება/ჩამოიწერება, შესაბამისი ფაკულტეტის დეკანის სამსახურებრივი ბარათის საფუძველზე გამოცემული ადმინისტრაციის ხელმძღვანელის ბრძანებით.

8. ბსუ-ს სტუდენტის უცხო ქვეყანაში სასწავლო/სამეცნიერო კონფერენციაზე/სემინარზე/კონგრესზე მონაწილეობა შესაძლებელია დაფინანსდეს არაუმეტეს 1000 ლარის ოდენობით, ბსუ-ს პროგრამული ბიუჯეტის (შესაბამისი ქვეპროგრამის) ფარგლებში, ფაკულტეტის საბჭოს გადაწყვეტილების საფუძველზე გამოცემული ადმინისტრაციის ხელმძღვანელის ბრძანებით.“;

მუხლი 8. სწავლის საფასურის გადაუხდელობის შედეგი

1. რექტორის ბრძანებით დადგენილ ვადაში ადმინისტრაციული რეგისტრაციის გაუვლელი - სწავლის საფასურის გადაუხდელობის - შემთხვევაში, სტუდენტს შეუჩერდება ბსუ-ს სტუდენტის სტატუსი. სტუდენტის განცხადების საფუძველზე შესაძლებელია ბსუ-ს სტუდენტის სტატუსის შეჩერების სამართლებრივი აქტის გამოცემა გადავადდეს სწავლის საფასურის გადახდის განრიგზე მხარეთა შეთანხმების გაფორმებით (ბსუ-ს მხრიდან ხელს აწერს რექტორი და ადმინისტრაციის ხელმძღვანელი) ან ასეთი შეთანხმების გაფორმების გარეშე, თუკი სწავლის საფასურის დადგენილ ვადაში გადაუხდელობა შესაძლოა გამოწვეული იყოს ქვეყანაში ან/და რეგიონში შექმნილი ფორსმაჟორული ვითარებით (შეთანხმების გაფორმების შემთხვევაში, იგი ხდება ამ სტუდენტთან გაფორმებული ხელშეკრულების ნაწილი). *(ცვლილება - 2017 წლის 20 დეკემბრის N02 გადაწყვეტილებით, რომელიც გავრცელდა 2017-2018 სასწავლო წლიდან წარმოშობილ ურთიერთობებზე); ცვლილება - 2020 წლის 24 ივლისის N07-01/83 გადაწყვეტილებით)*

2. სწავლის ფინანსური დავალიანების მქონე ბსუ-ს სტუდენტის/კურსდამთავრებულის განცხადების საფუძველზე სასწავლო პროცესთან დაკავშირებული ცნობის, დიპლომის/სერტიფიკატის/მოწმობის ან/და პირად საქმეში არსებული დოკუმენტაციის, გაცემამდე შესაძლებელია გაფორმდეს შეთანხმება -სწავლის საფასურის დავალიანების გადახდის განრიგზე (ბსუ-ს მხრიდან ხელს აწერს რექტორი და ადმინისტრაციის ხელმძღვანელი), თუკი საქართველოს კანონმდებლობით სხვა რამ არ არის გათვალისწინებული. *(ცვლილება - 2020 წლის 24 ივლისის N07-01/83 გადაწყვეტილებით)*

3. სწავლის საფასურის გადახდის ვალდებულების (ფინანსური დავალიანების) მქონე ბსუ-ს სტუდენტის განცხადების საფუძველზე შესაძლებელია ფინანსური დავალიანების გამო ბსუ-ს სტუდენტის სტატუსის შეჩერების სამართლებრივი აქტის გამოცემა გადავადდეს არაუგვიანეს შესაბამისი სემესტრის დასრულებამდე, თუკი სტუდენტს წარდგენილი აქვს განცხადება (სხვადასხვა სახელმწიფო დაწესებულებებში თუ ბსუ-ს სტუდენტთა მხარდაჭერის ფონდში)

სწავლის დაფინანსების მოპოვების მიზნით და ელოდება შესაბამისი გადაწყვეტილების მიღებას.
(*ცვლილება - 2020 წლის 24 ივლისის N07-01/83 გადაწყვეტილებით*)

4. ბსუ-ს სტუდენტი უფლებამოსილია წერილობითი განცხადებით მოითხოვოს მის მიერ ზედმეტად გადახდილი სწავლის საფასურით სრულად ან ნაწილობრივ ბსუ-ს სხვა სტუდენტის სწავლის საფასურის დაფარვა (მიმდინარე სემესტრის სწავლის საფასური სტუდენტს ეთვლება ზედმეტად გადახდილად, თუკი მას შეუჩერდება სტუდენტის სტატუსი 1 ნომბრამდე - შემოდგომის სემესტრში, ხოლო 1 აპრილამდე - გაზაფხულის სემესტრში)(*ცვლილება -2016 წლის 16 დეკემბრის N02 გადაწყვეტილებით*);

5. **ნაწილობრივი სასწავლო/სამაგისტრო გრანტის მფლობელ პირს** ამ გრანტის პროპორციულობის (სამინისტროდან მიღებული/მისაღები თანხის ოდენობის) გათვალისწინებით, მხოლოდ სასწავლო წლის პირველ სემესტრში შეიძლება არ შეუჩერდეს სტუდენტის სტატუსი.

6. ბსუ-ს სტუდენტს (გარდა დამამთავრებელი ან დამატებითი სემესტრის სტუდენტისა) ერთი სასწავლო სემესტრის განმავლობაში 100 ლარამდე დავალიანების შემთხვევაში არ შეუჩერდება ბსუ-ს სტუდენტის სტატუსი (აღნიშნული დავალიანება პირველ რიგში დაიფარება სტუდენტის მიერ უნივერსიტეტის ანგარიშზე შემოტანილი თანხიდან). (*ცვლილება - 2018 წლის 13 ივლისის N03 გადაწყვეტილებით*)

7. სწავლის ფინანსური დავალიანების მქონე ბსუ-ს სტუდენტის ან სტატუსშეჩერებული ან სტატუსშეწყვეტილი ან კურსდამთავრებულის მიერ წარმოდგენილი განცხადების ან/და ამ პირთა მიმართ საფინანსო-ეკონომიკური დეპარტამენტის აღრიცხვა-ანგარიშგების სამსახურიდან ან/და შესაბამისი ფაკულტეტიდან ან/და სააღსრულებო ბიუროდან წარმოდგენილი მონაცემების/კორესპონდენციის საფუძველზე ფინანსური დავალიანების მქონე პირთან გასაფორმებელი, სწავლის საფასურის გადახდის განრიგზე შეთანხმების პროექტი (რომელსაც ბსუ-ს მხრიდან ხელს აწერს რექტორი და ადმინისტრაციის ხელმძღვანელი) მზადდება ბსუ-ს იურიდიული დეპარტამენტისა და საფინანსო-ეკონომიკური დეპარტამენტის აღრიცხვა-ანგარიშგების სამსახურის მიერ. აღნიშნული შეთანხმება ხდება ამ სტუდენტთან/კურსდამთავრებულთან გაფორმებული ხელშეკრულების ნაწილი და შეთანხმების დედანი შესაბამისი ფაკულტეტის დეკანის ოფისის/კანცელარიის მიერ (დეკანის ოფისში ან ბსუ-ს არქივში, თუკი გადაცემულია) მიეთვისება სტუდენტის პირად საქმეს, ხოლო ასლი შეინახება ბსუ-ს საფინანსო-ეკონომიკური დეპარტამენტის აღრიცხვა-ანგარიშგების სამსახურში (შესაბამისი დასაქმებული შეთანხმების გაფორმების შესახებ სამსახურებრივ ბარათს წარუდგენს ბსუ-ს რექტორს/ადმინისტრაციის ხელმძღვანელს მას შემდეგ, რაც გაფორმებული შეთანხმების დედანს გადასცემს ბსუ-ს კანცელარიას). (*დამატება -2020 წლის 24 ივლისის N07-01/83 გადაწყვეტილებით*)

მუხლი 9. გარდამავალი დებულებები

1. 2015-2016 სასწავლო წლის მეხუთე და მეექვსე ეტაპის ადმინისტრაციული რეგისტრაციის გაუვლელობის გამო ბსუ-ს სტუდენტის სტატუსის შეჩერების ბრძანება ბსუ-ს რექტორის მიერ შეიძლება გამოიცეს ამ წესის მე-8 მუხლის პირველი პუნქტით გათვალისწინებული ვადის გასვლის შემდეგ, მაგრამ არაუგვიანეს 2016 წლის 27 ივლისისა. (*დამატება - 2016 წლის 27 ივლისის N02 გადაწყვეტილებით*)

2. იმ სტუდენტებს, რომლებმაც ვერ მოიპოვეს 2016-2017 სასწავლო წლისათვის სოციალური პროგრამის ფარგლებში დაფინანსება, მათი მოთხოვნის საფუძველზე, 2016-2017 სასწავლო წლის გაზაფხულის სემესტრში სწავლის გაგრძელების შემთხვევაში, შემოდგომის სემესტრის სწავლის საფასური გადაუნაწილდეთ 2016-2017 წლის სასწავლო წლის ბოლომდე ეტაპობრივად გადასახდელად, ადმინისტრაციის ხელმძღვანელის სამართლებრივი აქტის შესაბამისად. *(დამატება - 2017 წლის 15 თებერვლის N03 გადაწყვეტილებით)*

3. ბსუ-ს იმ სტუდენტის განცხადების (მოთხოვნის) საფუძველზე, რომელსაც 2017-2018 სასწავლო წლის დაწყებამდე პერიოდში, პირადი განცხადების საფუძველზე შეუჩერდა სტუდენტის სტატუსი სასწავლო სემესტრის დაწყებიდან 45 დღის განმავლობაში (გაზაფხულის სემესტრში 31 მარტის შემდეგ, ხოლო შემოდგომის სემესტრში - 30 ოქტომბრის შემდეგ), დაერიცხა, მაგრამ არ აქვს გადახდილი ამ სემესტრის სწავლის საფასური, ბსუ-ს საფინანსო-ეკონომიკური დეპარტამენტის აღრიცხვა-ანგარიშგების სამსახური და იურიდიული დეპარტამენტი ამზადებს ბსუ-ს რექტორის ბრძანების პროექტს (ბსუ-ს ადმინისტრაციის ხელმძღვანელის ვიზირებით) ამ სტუდენტისათვის სტატუსის შეჩერების შესახებ შესაბამის ბრძანებაში დამატების შეტანის შესახებ (ემატება ჩანაწერი ამ სტუდენტისათვის დარიცხული სწავლის საფასურის კორექტირების/მოხსნის თაობაზე). *(დამატება - 2020 წლის 24 ივლისის N07-01/83 გადაწყვეტილებით)*

4. 2020-2021 სასწავლო წლის დაწყებამდე საერთაშორისო მობილობაში მონაწილე სტუდენტის განცხადების (დარიცხული სწავლის საფასურის მოხსნის ან კორექტირების შესახებ) საფუძველზე, რომელმაც სრულად ან ნაწილობრივ შეასრულა სასწავლო ხელშეკრულებაში (ე.წ. „learning agreement“) აღნიშნული აქტივობა, მაგრამ იგი არ აღმოჩნდა თავსებადი ბსუ-ს სასწავლო გეგმით ამ სემესტრისათვის გათვალისწინებულ სასწავლო კურსებთან (ვერ მოხდა მათი აღიარება) და სტუდენტი ბსუ-ში დაბრუნების შემდეგ ვალდებულია შეასრულოს საერთაშორისო მობილობის პერიოდის (სემესტრის/სასწავლო წლის) ბსუ-ს სასწავლო გეგმის მოთხოვნები, გამოიცემა ბსუ-ს რექტორის ბრძანება (ბსუ-ს ადმინისტრაციის ხელმძღვანელის ვიზირებით) და ბსუ-ს საფინანსო-ეკონომიკური დეპარტამენტის აღრიცხვა-ანგარიშგების სამსახურმა უნდა უზრუნველყოს საერთაშორისო მობილობის პერიოდის სწავლის საფასურის დარიცხვის კორექტირება/ მოხსნა. *(დამატება - 2020 წლის 24 ივლისის N07-01/83 გადაწყვეტილებით)*

5. 2020-2021 სასწავლო წლის დაწყებამდე საერთაშორისო მობილობაში მონაწილე სტუდენტის განცხადების (დარიცხული სწავლის საფასურის მოხსნის ან კორექტირების შესახებ) საფუძველზე, რომელსაც სრულად დაერიცხა ამ პერიოდის სწავლის საფასური ისე, რომ შესაბამისი ფაკულტეტიდან სასწავლო ხელშეკრულება (ე.წ. „learning agreement“) ან/და შესაბამისი ფაკულტეტიდან/ბსუ-ს სტუდენტთა ელექტრონული სერვისების განყოფილებიდან სტუდენტის მიერ საერთაშორისო მობილობის პერიოდში დარეგისტრირებული ან/და ათვისებული სასწავლო კურსების შესახებ ინფორმაცია არ ყოფილა წარმოდგენილი ან/და არ გამოცემულა ბსუ-ს რექტორის ბრძანება საერთაშორისო მობილობის პერიოდში ამ სტუდენტის მიერ ათვისებული კრედიტების აღიარების შესახებ, გამოიცემა ბსუ-ს რექტორის ბრძანება (ბსუ-ს ადმინისტრაციის ხელმძღვანელის ვიზირებით) და ბსუ-ს საფინანსო-ეკონომიკური დეპარტამენტის აღრიცხვა-ანგარიშგების სამსახურმა უნდა უზრუნველყოს ამ სტუდენტის საერთაშორისო მობილობის პერიოდის სწავლის საფასურის დარიცხვის კორექტირება/მოხსნა, რაც არ გამორიცხავს შემდეგში ამ სტუდენტისათვის, ამავე საერთაშორისო მობილობასთან დაკავშირებით გამოცემული სამართლებრივი აქტის

მიხედვით, სწავლის საფასურის ხელახლა დაანგარიშებასა და დარიცხვას. *(დამატება - 2020 წლის 24 ივლისის N07-01/83 გადაწყვეტილებით)*

6. „ადმინისტრაციული რეგისტრაციის გაუვლელობის (სწავლის საფასურის დავალიანების) გამო ბსუ-ს სტუდენტის სტატუსის შეჩერების შესახებ სამართლებრივი აქტის გამოსაცემად 2021-2022 სასწავლო წლის შემოდგომის სემესტრში ადმინისტრაციული წარმოების დაწყების შესახებ“ **ბსუ-ს რექტორის 2022 წლის 18 იანვრის N01-08/05 ბრძანებით დაწყებული ადმინისტრაციული წარმოების შედეგების გათვალისწინებით: *(დამატება ბსუ-ს წარმომადგენლობითი საბჭოს 2022 წლის 28 მარტის N07-01/16 გადაწყვეტილებით)***

6.1. დაწყებული ადმინისტრაციული წარმოება შეიძლება შეწყდეს იმ სტუდენტის მიმართ, რომლის სწავლის საფასურის დავალიანება (2021-2022 სასწავლო წლის შემოდგომის სემესტრის ჩათვლით სემესტრებისა) **2022 წლის 24 მარტის** მდგომარეობით შეადგენს:

ა) **1125 ლარის ჩათვლით**, მის მიერ 2022 წლის 15 აპრილის ჩათვლით წარმოდგენილი განცხადების საფუძველზე გამოიციმა ბსუ-ს რექტორის ბრძანება/გაფორმდება შეთანხმება სწავლის საფასურის დარჩენილი დავალიანების გადახდის არაუგვიანეს 2022 წლის 30 ივნისისა გადავადების/განწილვადების თაობაზე;

ბ) **1126 ლარიდან 2250 ლარის ჩათვლით**, 2022 წლის 15 აპრილის ჩათვლით დავალიანებას შეამცირებს არანაკლებ 20%-ით, ამასთან, ამავე ვადაში მის მიერ წარმოდგენილი განცხადების საფუძველზე გამოიციმა ბსუ-ს რექტორის ბრძანება/გაფორმდება შეთანხმება სწავლის საფასურის დარჩენილი დავალიანების გადახდის არაუგვიანეს 2022 წლის 30 ივნისისა გადავადების/განწილვადების თაობაზე;

გ) **2251 ლარიდან 3375 ლარის ჩათვლით**, 2022 წლის 10 აპრილის ჩათვლით დავალიანებას შეამცირებს არანაკლებ 15%-ით, ამასთან, ამავე ვადაში მის მიერ წარმოდგენილი განცხადების საფუძველზე გამოიციმა ბსუ-ს რექტორის ბრძანება/გაფორმდება შეთანხმება სწავლის საფასურის დარჩენილი დავალიანების გადახდის არაუგვიანეს **2022 წლის 30 ივლისისა** გადავადების/განწილვადების თაობაზე;

დ) **3375 ლარზე მეტს, 2022 წლის 05 აპრილის ჩათვლით** დავალიანებას შეამცირებს არანაკლებ 10%-ით, ამავე ვადაში მის მიერ წარმოდგენილი განცხადების საფუძველზე გამოიციმა ბსუ-ს რექტორის ბრძანება/გაფორმდება შეთანხმება სწავლის საფასურის დარჩენილი დავალიანების გადახდის არაუგვიანეს **2022 წლის 30 აგვისტოსა** გადავადების/განწილვადების თაობაზე;

6.2. ადმინისტრაციული წარმოება შეიძლება შეწყდეს იმ სტუდენტის მიმართ, რომელმაც ადმინისტრაციული წარმოების დაწყების შემდეგ არაუგვიანეს 2022 წლის 24 მარტისა წარმოადგინა განაცხადი სწავლის საფასურის გადავადების/განწილვადების თაობაზე **და ამავე ვადაში გადაიხადა** არანაკლებ 375 ლარი. მოცემულ შემთხვევაში შესაძლებელია სტუდენტთან გაფორმებული შეთანხმებით სწავლის საფასურის დარჩენილი დავალიანების გადახდა გადავადდეს არაუგვიანეს **2022 წლის 30 აგვისტოსა**.

6.3. სტუდენტთან წერილობითი შეთანხმება სწავლის საფასურის დარჩენილი დავალიანების გადახდის გადავადების/განწილვადების თაობაზე გაფორმდეს რექტორის ბრძანებით დამტკიცებული ფორმით.

6.4. სტუდენტის მიერ სწავლის საფასურის დარჩენილი დავალიანების გადახდის გადავადების/განწილვადების თაობაზე გაფორმებული შეთანხმების დარღვევის შემთხვევაში გამოიცეს ბსუ-ს სტუდენტის სტატუსის შეჩერების შესახებ ბსუ-ს რექტორის ბრძანება, კანონმდებლობით დადგენილი წესით.

6.5. სტუდენტების მიმართ, რომლებიც წინამდებარე მუხლის 6.1. ან/და 6.2. პუნქტებით გათვალისწინებულ მოთხოვნებს არ შეასრულებენ შესაბამის ვადებში (5 აპრილის/10 აპრილის/15 აპრილის ჩათვლით) გამოიცეს ბსუ-ს სტუდენტის სტატუსის შეჩერების შესახებ ბსუ-ს რექტორის ბრძანება, 2021-2022 სასწავლო წლის გაზაფხულის სემესტრის სწავლის საფასურის დარიცხვის გარეშე.

6.6. დაწყებული ადმინისტრაციული წარმოება შეიძლება შეწყდეს იმ სტუდენტის მიმართ, რომელიც არის სოციალურად დაუცველი ოჯახების მონაცემთა ერთიან ბაზაში რეგისტრირებული ოჯახიდან და 2022 წლის 1 იანვრის მდგომარეობით სარეიტინგო ქულა არ აღემატება 150 000-ს, წინამდებარე მუხლის 6.1. - 6.2. პუნქტებში აღნიშნულ ვადაში (5 აპრილის/10 აპრილის/15 აპრილის ჩათვლით) მის მიერ წარმოდგენილი განცხადების საფუძველზე გაფორმდება შეთანხმება სწავლის საფასურის დარჩენილი დავალიანების გადახდის არაუგვიანეს 2022 წლის 30 აგვისტოსა გადავადების/განწილვადების თაობაზე და წარმოდგენილი იქნება სოციალურად დაუცველი ოჯახების მონაცემთა ერთიან ბაზიდან ამონაწერი, ასევე ოჯახის წევრობის დამადასტურებელი დოკუმენტი (დაბადების მოწმობა ან სხვა), უნივერსიტეტის მოთხოვნის/საჭიროების შემთხვევაში. *(დამატება - 2022 წლის 04 აპრილის N07-01/18 გადაწყვეტილებით)*

7. 2021-2022 სასწავლო წელს სწავლის საფასურის დავალიანების მქონე **დამატებითი სემესტრების ბსუ-ს სტუდენტებთან**, რომლებსაც 2022 წლის 4 აპრილის მდგომარეობით აქვთ აქტიური სტუდენტის სტატუსი (მათ შორის ბსუ-ს რექტორის 2022 წლის 18 იანვრის N01-08/05 ბრძანებაში აღნიშნული სტუდენტები), 2022 წლის 20 აპრილის ჩათვლით გაფორმდეს შეთანხმებები სწავლის საფასურის 2022 წლის 30 ივნისამდე გადახდის გადავადების თაობაზე (ბსუ-ს რექტორის ბრძანებით დადგენილი ფორმის შესაბამისად), წინააღმდეგ შემთხვევაში შეუწყდეთ სტუდენტის სტატუსი ამ წესის მე-4 მუხლის მე-7 პუნქტის მოთხოვნათა გათვალისწინებით. *(დამატება - 2022 წლის 04 აპრილის N07-01/18 გადაწყვეტილებით)*

8. 2021-2022 სასწავლო წლის შემოდგომის სემესტრის ჩათვლით სწავლის საფასურის დავალიანების მქონე იმ სტუდენტთა მიმართ, რომლებსაც გადაუვადდათ სწავლის საფასურის გადახდა 2022 წლის 30 ივნისი/30 ივლისი/30 აგვისტოს ჩათვლით, მათთან გაფორმებული შეთანხმებების თანახმად, ასევე გააგრძელეს სწავლა 2021-22 სასწავლო წლის გაზაფხულის სემესტრში და 2022-23 სასწავლო წლის შემოდგომის სემესტრში და დამატებით დაერიცხათ მომდევნო სემესტრების სწავლის საფასურის დავალიანება, ბსუ-ს რექტორის 2023 წლის 13 იანვრის №01-02/03 ბრძანებით განსაზღვრული სტუდენტის

სტატუსის შეჩერების/შეწყვეტის შესახებ ბრძანება გამოიცეს იმ შემთხვევაში, თუკი 2023 წლის 24 მარტის ჩათვლით ვადაში სრულად არ დაფარავენ მათზე დარიცხულ სწავლის საფასურის დავალიანებას. *(დამატება - 2023 წლის 31 იანვრის N07-01/05 გადაწყვეტილებით)*

9. 100 ლარზე მეტი ოდენობით ბსუ-ს სწავლის საფასურის დავალიანების მქონე იმ სტუდენტთა მიმართ, რომლებთა მიმართ ბსუ-ს რექტორის 2023 წლის 18 იანვრის №01-08/06 ბრძანებით 2022-2023 სასწავლო წლის შემოდგომის სემესტრში დაიწყო ადმინისტრაციული წარმოება, სტუდენტის სტატუსის შეჩერების შესახებ ბსუ-ს რექტორის ბრძანება გამოიცეს იმ შემთხვევაში, თუკი 2023 წლის 24 თებერვლის ჩათვლით ვადაში სრულად არ დაფარავენ მათზე დარიცხულ სწავლის საფასურის დავალიანებას. *(დამატება - 2023 წლის 31 იანვრის N07-01/05 გადაწყვეტილებით)*

10. 2022-23 სასწავლო წლის შემოდგომის სემესტრის ჩათვლით პერიოდში სწავლის საფასურის დავალიანების მქონე იმ პირების მიმართ, რომლებსაც 2021-22 სასწავლო წლის გაზაფხულის სემესტრში ან 2022-23 სასწავლო წლის შემოდგომის სემესტრში არ ჰქონდათ აქტიური სტუდენტის სტატუსი, თუმცა კვლავ ერიცხებათ სწავლის საფასურის დავალიანება (კურსდამთავრებულები ან სხვა კატეგორიის სტუდენტები), მათ მიმართ საქმისწარმოება განხორციელდეს ბსუ-ს რექტორის და ადმინისტრაციის ხელმძღვანელის გადაწყვეტილებების/სამართლებრივი აქტების შესაბამისად, მათ შორის სწავლის საფასურის დავალიანების მქონე პირებთან გააფორმონ სწავლის საფასურის გადახდის განწილვადების თაობაზე (ასეთის საჭიროების შემთხვევაში). *(დამატება - 2023 წლის 31 იანვრის N07-01/05 გადაწყვეტილებით)*